



ATASSUT

UPA15/99-1 UPA15/100-1 UPA15/101-1

Steen Lyngø

25.03.2015.

Angajoqqaatut akisussaassuseqarneq pillugu inatsisip Kalaallit Nunaannut atuutilersinneqarnera pillugu Peqqussummut, Angajoqqaatut oqartussaassuseqarnermut aalajangiinerit il.il. nunani tamalaani atortussanngortinnissaat pillugit inatsisip Kalaallit Nunaanni atuutilersinnissaat pillugu Peqqussummut, Kalaallit Nunaannut oqartussaassutsimut inatsisip allanngortinnissaa pillugu inatsimmut, Aappariilersarnerup inatsisitigut sunniutai pillugit inatsisip Kalaallit Nunaanni atuutilersinneqarnera pillugu inatsimmut, Kalaallit Nunaannut eqqartuussisarneq pillugu inatsimmut aamma Kalaallit Nunaannut pinerluttulerinermut inatsimmut, Eqqartuussisarneq pillugu inatsisip allanngortinnissaa pillugu inatsisip Kalaallit Nunaanni atuutilersinnissaa pillugu Peqqussummut, Aappariilersarneq aappariigunnaartarnerlu pillugit inatsisip allanngortinnissaa pillugu inatsimmut kiisalu inatsisinut assigiinngitsunut Kalaallit Nunaanni Namminersorlutik Oqartussat isumaqataanissaat pillugu Inatsisartut aalajangiiffigisassaattut siunnersuut.

Aappariilersarneq aappariigunnaartarnerlu pillugu inatsisip allanngortinnissaa pillugu inatsisip ilaata Kalaallit Nunaannut atuutilersinneqarnera pillugu Peqqussummut, aappariinnerup inatsisitigut sunniuteqarnera pillugu inatsimmut aamma eqqartuussisarneq pillugu inatsimmut aamma nalunaarsukkamik inooqatigiinneq pillugu inatsisip atorunnaarsinneqarneranut Kalaallit Nunaanni Namminersorlutik Oqartussat isumaqataanissaat pillugu Inatsisartut aalajangiiffigisassaattut siunnersuut.

(Inuit marluk suaassuseqatigiit akornanni aappariilersarnerup kingunerisaanik nalunaarsukkamik aappariilersarneq pillugu inatsit pillugu peqqussutip atorunnaarsinneqarnera).

Meeqqat illersorneqarnissaat pillugu Haagerimi isumaqatigiissut pillugu inatsisip Kalaallit Nunaanni atuutilersinneqarnera pillugu Peqqussummut Kalaallit Nunaanni



Namminersorlutik Oqartussat isumaqataanissaat pillugu Inatsisartut aalajangiiffigisassaattut siunnersuut.

(Pinngortitamut, Avatangiisinut Inatsisinillu Atuutsitsinermut Naalakkersuisoq)

Atassut-ip inatsisissanut oqaaseqaatigiumasai ataatsimoortillugit saqqummiutissavakka

Atassutip nuannaarutigingaarpaa inatsisit ilaqutariinnermut tunngasut iluini allaannguutissat utaqqisaaqisut maanna Inatsisartunut suliaassanngortinneqarmata.

Inatsisissat ilaatigut imarivaat meeqqap inissisimaneranut aammalu piginnaatitaaffigisaanut tunngaviusumik allannguutissat.

Siullermik nuannaarutissaavoq maanna qanganisarpaloqisumik immikkut ittumik pillaasarneq maana peernissaat.

Allannguutip meeqqap allatulli inuttut ataqqinassuseqartutut inissisimalernissaa qulakkiissavaa.

Soorluli aamma tusarniaanerni akissutitigut takuneqarsinnaasoq taava inassutigiumaneqarpoq Naalakkersuisut suliniutigissagaat kommunini meeqqanut ajuusaarnartumik peqqarniisaarfigineqartunut isumaginnittussanik suleqatigiissitaliortoqarnissaa. Tamatuma Naalakkersuisut eqqunneqarnissaa eqqarsaatigilluartariaqarpaat, Atassut-mit inassutigissavarput. Taamak iliornikkut meeqqap ajunngitsumik atugaqartitaanissaa siunissamut isigaluni nalilimmik peqataatitaaleqqullugu.

Saniatigullu inatsisit meeqqap inissisimamera allanngortippaa, tassa meeqqap angajoqqaat inooqatigiinngitsut tungaannut ajunngitsumik inissisimanissaa qitiutinneqarmat. §19imi naqissuserneqarpoq, meeraq piginnaatitaassasoq aamma ilagisassallugu angajoqqaq najugaqatiginngisani. Tamanna pingaartuuvoq taamatut iliornikkut meeraq qitiutitaalermat.



ATASSUT INATSIARTUNI

Allannguutini pingajuusoq aamma pingartoq tassaavoq inatsisinut nunarsuaq tamakkerlugu atuuttunut ilanngunneq, tamannami isumaqarpoq angajoqaatut oqartussaassuseqarnermut aalajangiinerit il.il. nunani allani atuutsinneqalissasoq.

Ilaqtariit piginnaatitaaffiit atsumik inatsisit aamma ilagivaat suaiaqatigiit katisinneqarsinnaatitaalernissaat. Tamanna nunatsinnit inuit naligiinnerannik naqissusiineruvoq apeqqutaatinnagit suaassuseq, politikkikkut upperasitigullu qanoq isumaqarneq. Tamatuma naqissuserpaa inuiaqatigiittut ineriartornitsinni peqqissumik siammasissumik ineriartoqataaneq ingerlakkippat.

Atassummit siunnersuut annertunersumik oqaaseqarata akuersaarparput innersuussutigalugulu oqaluuserineqartup ataatsimiititaliamut ingerlatinneqarnissaa.